



UNIVERSITÄTS-
BIBLIOTHEK
PADERBORN

Annvæ Franciæ Soc: Jesv Anni M.DC.LII.

[urn:nbn:de:hbz:466:1-67908](https://nbn-resolving.org/urn:nbn:de:hbz:466:1-67908)

rentius vehebatur, incensa, & igne disili-
ens, ipsum Patrem, & vectores omnes in-
auras extulit.

38. Hunc mari, & igne; P. FRANCISCUM
CRUMSELTERRA mors Parisijs, quo cum
Condejanis concesserat, occupavit. virum
nunquam langvide, sed omnia strenue ma-
gno PP. Castrensi levamento accuran-
tem. Capax illi disciplinarum, & amans
ac dives ingenium. Sed ærumnarum pleni
labores, atq; itinera virum in ætate adhuc
viridi acerbe confecere.

ANNVÆ FRANCIAE
SOC: JESV ANNI M. DC. LII.

FRanciae Provincia hoc anno
1652. per 24. domicilia Socios
675. Sacerdotes 392. numeravit.
Admisit ad Societatem quinos &
denos: amisit morte abreptos quaternos &
viginti.

§. I. *Missiones, colloquia, conciones.*

I. Quæ publicis ad concionem, quæ pri-
vatis ad singulos divinæ sementis profemi-
nandæ laboribus ab hæresi ad fidem lucrifac-
ti multi, sed nullo certo numero adstri-
cti. In ijs qui adnotarunt undevicenos in-
venio.

venio. Parisijs per Adventum & quadragessimam septem, Biturigibus decem in locis nostri dixere ad populum, non minore utilitate animorum quàm locorum celebritate atq; frequentia.

2. Biturigibus ter quothebdomadis conveniunt egentiores ad Christianam doctrinam ferè centum & quinquaginta: quorum illecebra est eleemosyna, facilis conciliatricula pietatis tametsi aliàs rara in hominibus in tam profligata fortunâ ferè perditè educatis. Flexiâ in publica provinciâ penuriâ Domus nostra singulis per annum diebus Dominicis, Martis, & Jovis tam largè suppeditavit stipem egentioribus ut eorum aliqui dixerint sibi fuisse fame aliàs pereundum. Inde facilior & felicior fiebat aditus nostris ad persvadenda illis Sacramenta.

3. Familiaris etiam, & religiosæ cum externis consuetudinis fructus is extitit apud Turonenses, ut inter duos (quos natura fratres, hostes verò fecerat privata utilitas, armata jam odio) in arctam animorum consensionem solidè coaluerint, & constanter. Funesta ibidem inter duo primæ autoritatis capita dissensio repente coorta, repente latè (ut partis utriusq; necessitudines ferebant) increbuit, & plurimum animos quatefecit

fecit metu periculi sangvinario sine claudendi, aut in posteros etiam seminandi. Valuit ad pacis momentum ut cum nequicquam alia omnia tentarentur, Collegij Rector utriq; parti charissimus, arma primùm utriq; authoritate amicâ extorserit; deinde pacem, cumulatâ sanè omnium voluptate, firmârit.

4. Tertiani Patres vernâ primùm concursatione, tum eâdem sub autumnum, Rhodomagensis Archiepiscopi postulatu repetitâ, præter alias expeditionis hujus operas, Dieppam accersiti quatuordecim Christianorum millia consvetis Societatis ministerijs ad Sacramentum Confirmationis præpararunt. Aliâ ad eum locum ubi sacra hæc expeditio versabatur, è vicinis circum locis Parochi viginti quatuor plebem sibi subiectam ad nostros festis diebus deduxere, ut in partem ejus utilitatis venirent quam famâ increbrescente acceperant. Armorici Patres duo missiones tredecim varijs temporibus obivere. Catechismis & concionibus tria oppidanorum millia instituta, exomologesin consvetam quindecim millia capitum objere; universæ verò vitæ sordes sena circiter millia expiavere. A pellicatus amoribus abducti ducenti; exulcerati, & pertinaci odio posito mansvefacti sexcentis

ut eos taceam qui è bonis facti meliores, affatim satisfecere Patrum laboribus, quorum iam salutariter institutæ obversationes lætam esse omnia implevere.

§. 2. *Beatissima DElpara, Scholæ Sodalitas.*

5. Senex in missionum quadam, jam duodevigesimo anno æger lecto affixus, aiebat se jam inde ab annis octo & sexaginta flagella sentire conscientie sacri tribunalis lucem, integritatem, evidentiam metuentis, eam in rem salubriter molliendam adhibitas à se quotidianas preces ad MARIAM refugium peccatorum. Ab illa se tandem evictum. Etenim cum Patrum vicina oppida concursantium famam auditione accepisset, simul eadem nocte se voce quadam allapsâ commonitum, jussumq; vitæ totius peccata integrâ exomologesi expungere. Id vero ille, tanquam à rogatâ sæpè Virgine Matre acceptum consilium, persanctè executus, duodecimâ exinde horâ, pacato agone ac vitâ perfunctus est. Rhomagensem quoq; luem ejusdem Virginis præsentis ope, supplicatione ductâ, restitutam accepimus.

6. Jam flos Sodalium & Scholarum ejusdem cælestis educatrici beneficium est & Magistrorum ac Præsidium labor primari-

us. In Parisiensi Gymnasio bis mille; atq;
inter hos primæ nobilitatis juvenes trecenti
in convictus nostri contubernio numerati,
totidem nempe alumni Virginis, virtutis &
ingenij cultione. Parisiensium Sodalium
artificum hoc etiam anno fuit commenda-
tio singularis, quod in summa perparcæ an-
nonæ caritate, opem tempestivam cumula-
te tulerint, locupletiores egentibus qui ar-
dor quia in quibusdam immodicus videba-
tur, cum etiam tenuioris fortunæ nonnulli
piâ illâ suâ liberalitate arctiorem domi rem
redderent, debuit à Patre qui præest, attem-
peratè compesci, ne quid offensus unculæ
crearet domi liberalitas in extrarios æquo
effusior.

§. 3. De S. P. Ignatio.

7. Inter alios præsentissimam S. P. Ignatij
opem Rhotomagi expertos, fuit etiam is de
Societate qui cum dolore pedum adeo la-
boraret; ut ijs insistere vix jam posset, voto
statim S. P. Ignatio nuncupato est persana-
tus. Ibidem duæ Matronæ nobiles con-
clamatam ferè jam salutem eâdem pietatis
industriâ recepere.

8. Istud quoq; Ignatianum est, quod cœ-
lestis ejus libelli ductu Parisijs in tironum
domo se se exercuerint omnino tredecim,
quo

quo è numero unus fuit Episcopus, alter dux militiæ genere ac virtute insignis. Flexienses, Andegavenfes Vrsulinas, Salmurienses aliâsq; in cœnobijs varijs Moniales ejusdem libelli Magisterio institutas utilitates egregiæ consecutæ. In celebratis quoq; Patrum Tertiariorum missionibus Patrum quidam intermisso tantisper opere publico mensem unum & alterum apud septuaginta moniales huic industriæ navus impendit, univrsamq; illam familiam hæctenus non sat æquis animis nos profecutam hæc delinitione nomini nostro addixit.

§. 4. *Suffragia pro defunctis.*

9. Ad indulgentiarum, ac piaculi salutaris lucra pijs in purgante igne animabus liberius porrigenda, Romanis Belgicisq; provocati exemplis Augenses, ac Rhedonenses Socij Synaxim mensuram instituere, celebritate volentissimis illis Urbibus pergratâ, & solidâ dictione sæpius utiliter commendata.

§. 5. *Defunctorum elogia.*

10. Evita hoc anno 1652. Sacerdotes XVIII. abiere. Rhedonibus 8 Febr: P. CAROLVS CHARRÉ anno æt. LXXV. Soc: XLVII. placidæ, peritiæ, ac silentij amantis prudentiæ, solers in negotijs Domus Prof: Pari-

SOCIET: JESV, 1652. 105

Parisiensis Procurator; postea Rhedonibus XXV. annos versatus, caelestis etiam animorum Oeconomiae suaviter ac scite tractanda idoneus. Ultimo vitae die sacrificio ad aras operatum; neq; in valetudine ullâ interdium tentatum, proxima nox extinxit. Nostri oculis ac ore ad mortem modeste composito mortuum reperere: non improvisam ei obvenisse mortem interpretati e castigatâ illâ morum severitate, suiq; circumspicientiâ quâ vivebat in mortem intentus.

11. Flexiæ 13. April. æt. anno 57. Soc: 33. P. GEORGIUS FOURNIER, humaniorum ac Mathematicarum disciplinarum peritus Magister, Geographus libris etiam editis non obscurus. Coadjutoris spiritum gradum assecutus, insignia sui erga DEVM animasq; amoris edidit argumenta per missiones castrenses terrâ mariq; susceptas.

12. Rhedonibus 20. Apr. anno æt. LXX. Soc: XLIII P. DOMINICVS ROLLIN Lotharingus, Minister sui negligens; & agrorum etiam nocte intempestâ intervifendorum; ac abjectissimo quoq; officij genere juvenidorum gratiâ, nihil ætati suæ parcens, nihil operæ aspernatus, declivis etiam ætatis suæ incommoda dissimulanter tegens, ne ab aliorum commodis procurandis prohiberetur. Serius, at citra morositatis supercilij

um, erga omnes perhonorifice comis; eoque acceptus,

13. Niverni 27. Junij anno æt. XLV. Societ. XXXV. P. JOANNES AYMAN Germanus bellico fluctu delatus in Gallias propè tiro ibi 4. vota virtute ac doctrinâ commeritus. Seu Philosophiam doceret, seu pauperes pro sacro tribunali audiret ibi egregiè doctus, hic svavis, & impiger, atq; in ipsa confessionum auditione morbum creditur hausisse ac mortem.

14. Ibidem 1. Julij, anno æt. XLI. Societ. XX. P. CLAVDIVS GVITTON. Rhetoricæ & Concionum arte & gratiâ ingenium, spiritumq; probavit cum serio rem ageret, ac perdocte, atq; utiliter. Quatuor Professorum vota jam propediem editurum dies ultimus antecepit.

15. Ibid. eodem die, anno æt. LXIII. Societ. XXX. P. JOANNES TARDIVEAV. Societatem jam Sacerdos adeptus, tamen ad omnem obedientiæ genium æquè promptus atq; si tenerior advenisset. in loquendo comitas, in rebus difficilibus explicandis Oeconomica industria, labor, peritia, & his omnibus permulto major integritas, & in divinis accuratio in illo eluxere.

16. In Castello quodam ad Urbem Coriſopitensem 2. Augusti æt, anno XLIX. Societat

cietat XXX. P. JOANNES MOREAV 4. vota
 Prof. Lutetiæ apud Professos alibiq; conci-
 onandi claritudine ad animos permoven-
 dos egregius. In Castrensi expeditione,
 inter permulta alia Comitem Ransavium
 cohortationibus suis ad sanam fidem tradu-
 xit. Vir qui moribus religiose facietis, doctri-
 nâ & spiritu animatæ suæ facundiæ aditus
 faciles ad præparandos DEO animos aperi-
 ret.

17. Flexiæ anno æt. LXV. Soc. XLIV.
 P. GEORGIUS DE LA HAYE cum Collegio
 Rector præfesset. Jam ante Aurelianense
 Collegium, & Parisiensem Professorum
 Domum rexerat, & nono universali Socie-
 tatis Comitio interfuerat. Præclaræ in il-
 lo Magistri, Sodalitiorum Præsidis, Superio-
 ris, & Concionatoris dotes, industria stre-
 nua, seria & rationum e sanæ Theologiæ si-
 nu petitarum pondere gravis dictio, non
 pueriliter vana, vel floride cincinnatula, si-
 ve ad populum diceret, siue domi siue ad
 Sodales. Tales illi mores quoq; qualis con-
 cio, potentes opere ac sermone, non moro-
 se modesti sed clari, & candidi.

18. Cadomi XX. Sept. æt anno XLVI.
 Soc. XXX. P. FRANCISCUS DE PUYOUEO-
 LET 4. vota Professus. Româ à studijs re-
 ducem, Philosophia, Theologia, & demum
 Ro-

Rothomagensis Collegij reectio excepit, hominem quem ad conciliandas omnium voluntates natura & gratia scite formarat, eaq; ille pulcherrime ad afflictorum levamentum urebatur, ad ægros, ad carceres, ad reverentissimam Superioribus obedientiam semper promptus, & comiter facilis. Cum itinera pedibus conficeret egregio religionis exemplo, supremum iter Parisijs Cadomum adeoq; ad æternitatem intendit; mortis causâ inde contractâ,

19. Flexiæ XV. Oct. æt anno LXVII. Socj XXXIV. P. CHRISTOPHORVS SYVADON, Procurator duodetriginta ipsis annis navus, & eximijs ejus officij cum dignitate religiosâ obeundi dotibus perquisitè commendatus. Erga omnes demissè, erga superiores ad omnem nutum circumscriptè ac obedienter se habuit. Stata orandi tempora præterire nunquam voluit. Pensum Canonicum coram SS. Sacramento provolutus in genua persolvebat. Festus dies illi sacer ac eximius, quare in prima luce in templo ad usq; meridiem confessiones, ferè pauperum ac ancillarum, accipiebat. Cavebat ne exequendæ ad B. V. de coronâ precatiõni, ne spiritualibus libris legendis otium sibi deficeret. Inchoatis S. P. Ignatij exercitijs febricitans, & mortis optatæ desiderio religiosè potitus est,

20. De P. STEPHANO CHARLETO verba eadem ferè ad numero, quæ accepi: P. STEPH: CHARLETVS, Parisinus, 4. votorum Profef- sus, obiit Parisijs in Domo Professa 26. Oct. æt. anno 82. Soc. 60. Vir de Societate uni- versa optimè meritus, universis ejus mune- ribus, dempto magistratu summo, præclare functus. Docuit Philosophiam, ac Theo- logiam in celebrioribus Collegijs, annis plu- ribus, cum existimatione eruditi, acris, ac perspicacis ingenij. expositio clara, diserta, & gratiâ condita erat, ut eo nomine ferè cæ- teris antistaret. Primò Rector Coll. Flexi- ensis, deinde Provincialis Franciæ, & Lugdu- nensis Provinciæ, postea Galliæ Assistsens creatus, annis decem & novem in eo mune- re perstitit cum laude, ad Mutij Vitelleschi Generalis ingenium & mores præclare fa- ctus, & socijs percharus. A Vincentio Ca- rassa Provinciæ Franciæ Præpositus, ingenti nostrorum consolatione. Elucebat in e- jus moribus religiosa gravitas; erat liberalis in pauperes, ægrotis compatiens, erga affli- ctos misericors, in DEVM pius, coram SS. Sa- cramento assiduus. Ad extrema deductus, nostris benedictionem flagitantibus, & in genua provolutis, bene precatus obtendit Crucifixi imaginem, ut in eo omnes bene- diceret.

21. Rhedonibus 2. Nov. anno æt. LXII. P. FRANCISCVS à S. REMIGIO animarum zelo præstans, etiam earum quæ in purgatorio patiuntur. Præfuit Convictui Parisiensis deinde Augensi & Corisopitensi Gymnasio. 4. vota Professus. Corpus illi attritum voluntariâ severitate ac morbis, quos in silentio & spe, ac fortitudine in illis repositâ tolerabat, perpetua sereni animi æquabilitate tranquillus.

22. Flexiæ 8. Nov. anno æt. LIII. Societ. XXXV. P. ROBERTVS GAUTERON 4. vota Professus. Rhetoricam docuit annis octo, reliqua humaniora annis septem; scripturam totidem & Hebræa. Sodalitio assidue, procurando, precandi studio, visendo prolixius SS. Sacramento, constanter addictus, Meditationum pensum de genibus persolvebat humi, conscientiæ teneræ cavebat potissimum à verbis quæ laudem præ se ostenderent; in obedientia perquam eximius candida illi sine fuce Simplicitas, & mitis ac humilis corde modestia, per quam quartum votum detrectare volebat, si satis licuisset. Paupertatis mensura illi sola necessitas, & in ijs quæ necessaria sunt, prudens deteriorum electio.

23. Parisijs in Patria sua IX. Novemb. anno æt. XLII. Soc. XXVI. P. PETRVS BERNAGE

GE 4. vot. Prof. Doctis humanioribus & Philosophicis disciplinis etiam in concionibus eximij talenti specimen dedit. Grati mores, atq; ingenui. Suprema illi concio fuit I. Novemb. peracris & erudita de beatitudine Sanctorum. Tum morbo ictus ad suprema devenit.

24. Ambiani natali solo se reddidit r. Decemb, anno æt. LII. Soc. XXXIII. P. ADAMVS LEVRIN tria vota Professus. Humaniora Parisijs per 6. annos cum eruditionis & prudentiæ laude docuit. A Theologici studij contentione per valetudinem valde attritam deductus, redditus est ad Societatis officia per profligatas vires planè inutilis, dum voto ad B. Francisci de Sales venerationem concepto tantum virium recepit, quantum abundè sufficiebat ad illum inertio otio eximendum: quibus ille ad assiduam cum in templo, tum in Sanctimonialium cænobijs confessiones affatim usus, assidua suâ solertiâ utilitates attulit perinsignes.

25. Parisijs in Collegio I r. Decemb: æt. anno LXXI. Soc. XLVIII. P. DIONYSIVS PETAVIUS, Aurelianus, 4. vota Professus. Rhetoricam undecim, S. Scripturam quatuor & viginti annis perdocuit, capax & vastum ad omnes disciplinas ingenium. La-

III ANNVÆ FRANCIE
rinè, Græcè, Hebraicè, Chaldaicè, Syriacè ex-
quisitè doctus, Poeta, Rhetor, Orator, Ma-
thematicus, Patrum & Prophanorum Scri-
ptorum ingens & memoriâ pollens helluo.
Dubium an majori laudi illi fuerit quod ab
Vrbano VIII. Pontifice fuerit Romam ob-
latam eruditionis tantæ famam accersitus,
quàm quod modeste ac scitè id fuerit de-
precatus, ob ea quæ metuebat, & quæ spera-
ret ambitio. Plus otij cum libris, id est cum
mortuis, quàm cum vivis terebat, nullâ ho-
ræ particulâ immuni ab officio relictâ, per-
sanctè tamen erga solita conscientiæ intro-
spiciendæ ac orandi tempora fidelis semper,
cum diceret, scientiæ se potius quàm vel
unius examinis vel orationis jacturam subi-
turum, æmulo Suarij magni apophthegma-
ti dicto, & facto. Nihil audere citra Super-
riorum veniam; nihil de populari aura, tan-
quam peste, ad se admittere; confessioni-
bus parvulorum, atq; simplicium dare ope-
ram promptiorem; ingentia per omnē vitâ,
sed supremo sesquianno potissimū, paciētiæ
lucra colligere, cum ingravescens capitis
& oculorum dolor mestum illi ab omnibus
omnino studijs otium indixissent. Dignus
certè famæ suæ gloriâ, & ævo longiore.

26. Flexiæ 25. Decemb. anno æt. I. V. Soc.
XXXII. P. JACOBVS LINDO, Parisinus. Mi-
nistri

nistri officium egit pacato semper animo, fronte, lingua. Sævavis illi simplicitas, & ne quid inertiae admitteret, Christi, divinae Matris, ac coelorum icunculas graphicè pingebat, & opportune spargebat. Puritatis ac vi demittendi, sanctissimiq; Sacramenti, coram quo multus erat, longè studiosissimus.

27. Reliqua Provinciae funera fuere Coadjutorum ad serviles domi operas conditione suâ delinatorum, quorum elogium est ferè modesta sui demissio, labor ad ingravescentes usq; annos assiduus, DEO aë officio suo intentum silentium, fidelis paupertatis cura. Unus præ alijs emicuisse videtur LAURENTIUS BARDOVIL Flexiæ 28. Aug. æt. anno LXIII. Soc:XXX. optato fine functus, Nobilis erat genere, ac Rhedonensi Collegio egregiè fecerat, una cum fratre qui Sacerdos in Societate pervixit. Immaculatae Deiparæ cultum & ipse habebat præcipuum, & omnibus persanctè persvadere optabat. Ad precandum intentivus amans anguli atq; silentij. Orationem armabat labore, ac modestiâ simplicitatèq; ut rustico similior videri vellet: somni parsimoniâ inediâ frequenti, & alijs carnis afflictandæ studijs ferè supra modum intentus.

28. Deniq̄ duo decerpti è flore Schola-
 sticæ juventusis. Alter Molinis, V. sept. an-
 no æt. 25. Soc. septimo. Natalibus, mori-
 bus, ingenioq̄ ingenuo, **M VICTOR DE**
VANSAY triennio jam Magister adolescen-
 tum ad omnem virtutis & literarum inge-
 nuitatem peringeniosus instinctor. Alter
 Aureliæ ubi anno ab hinc duodetrigesimo
 primam lucem viderat, supremam vixit **M.**
PHILIPPVS RENAULT eo die qui præsentæ
DEIPARÆ sacer, Philippo semper in religione
 fuerat, tum causâ dilectæ semper ac appri-
 mē percultæ **DEIPARÆ**, tum quia eodem die
 ante novennium Societati fuerat aggrega-
 tus. Quatuor annos in humanioribus di-
 sciplinis tradendis posuerat, venerationi a-
 moriq̄ ab omnibus impetrando facillimus,
 ob eam quæ religiosâ moderatione ornati-
 or in illo eminebat, morum & pietatis exi-
 miæ svavitatem.

29. Octavus decimus inter Patres diem
 in nova Francia 10. Maij clausit **P. JACOBVS**
BUTEVX Gallus plumbeis globis in itinere
 ab Hiroquæis trajectus; vir orandi, & pati-
 di artibus apprimē cultus. De quo suo loco
 plura. In Aprili ineuntis hujus seculi na-
 tus, & anno 1620. in Societatem receptus,
 confecto Theologiæ curriculo anno 1634.
 in septentrionalem Americam abiit, magnis
 illic

illic laboribus, & à finitimis Huronum ho-
 stibus cruentâ morte perfunctus, in cujus
 morte quia satis accuratè narrari non potu-
 it, nihil repertum est quod argumento sit
 eum in fidei odium esse occisum: tamen si
 non deessent argumenta quæ illi hoc decus
 affirmarent. Certum est, illum animarum
 studio in illas oras & in iter illud unâ cum
 ovibus suis suscipiendum se dedisse; ac illa-
 rum Christo servandarum amore non igna-
 rum periculi capitalis ad mortem se simul ac
 ad iter adornasse, ut suis ipse literis 4. Apri-
 lis disertè datis testatus est.

30. Alepi in Syria 6. Januarij simul ad la-
 bores & coronam felici morte appulsus est
 P. LAZARVS BROVART Metensis, 4. vota
 Professus, vir pio & constanti ad gleriam,
 divinam provehendam ingenio. Ætas illi
 infra 50. annos, corpus & animus ad labo-
 res obedientiæ ac animarum acriter exper-
 rectus. Grammaticam præ Philosophia;
 rusticas præ Urbicis conciones maluit; divi-
 næ Eucharistiæ honoris apud alios etiam stu-
 diosissimus. Obediens usq; ad mortem.
 Medico enim aperiendam esse venam di-
 centi, expertum se dixit noxium id sibi fo-
 re: urgenti paruit, & confestim sine voce,
 sine sensu, intra triduum sine anima fuit.
 Svavissimè lachrymabatur in morbo, Chri-
 sti

116 ANNVAE FRANCIAE
sti memoriã, desiderioq; accensus.

§. 6. De Syria.

31. Claudio annuas ijs quæ anno 1651,
& 1652. è Syriaca missione decerpo. In
Civitatibus nobilissimis Alepo, & Damasco;
& in Tripolitanao, Sidonioq; emporijs labo-
rat egregia industria Sociorum in ipsis pro-
pè Christi vestigijs. Alepi missio Beatif-
simæ DEIPARÆ dedicata: cui etiam Sodali-
tium sacrum habet ac fovet flore fructuq;
lætabili. Scholarum, indigenarum varia-
nationis & advenarum cura operam Socio-
rum læto successu exercet. Inter Arabes
& Maronitas res ita gesta, ut Archiepiscopus
Dominicanus è Perside gratulatorijs literis
datis gratias egerit pro messe tam lætã. Neq;
tamen desunt adversarij patientiã pervin-
cendi: quorum nonnulli etiamnum vituli-
na sacrificia offerunt, parte Sacerdotibus
cedente, parte plebi, idq; confessionis &
communione loco esse affirmant. Patri-
archa superstitiones rei suæ familiari non in-
utiles obtentu traditionis Apostolicæ ho-
nestat; & famæ suæ maculas jejunijs expiat;
imò & ducendis filis laneis, more muliebri,
Episcoporum unus ad fidei Romanæ unita-
tem adjunctus, privatam eamq; religiosam
vitam degit ob fidem exul. A Suritanis eti-
am,

am,

am, seu Jacobitis bona spes; Nestorianis quoq; reductis non paucis,

32. Inclinantem Turcarum potestatem, & spes Christianis lætiores ostentant quædam quæ habent aliquid admirabilitatis, in terra, cælo, mari, & aère. De his ita literæ inde datæ: Hierosolymis contigit, ut extans Lunæ crescentis figura super fastigium fani primarium Mahometanæ superstitionis (ubi olim templum Salomonis) obversa versus orientem, ad occidentem spontè se converterit, quod casu factum, rati Turcæ, eò evadentes ad ortum reposuere: sed vix ad ima devoluti vident, pleno die, ad occiduas partes rediisse. Figunt aliter sed rursus illis abeuntibus, ad occasum ipsa revertitur. In Bethlehemitico solo observatæ per diem columnæ duæ in cælum se tollere: quarum altera rubra, viridis altera (hi sunt colores Turcicæ tesseræ) ferebant arcum utriq; innixum: cùmq; ad Solem usq; meridianum evectæ sunt, continuo evanida facta tota machina est. Etiam in Luna quædam visa Turcis minari, quæ omitto. *Quædam de Calitibus in Syria.*

33. Sidone quotquot se voverunt S. Xaverio, gravilicet ac periculoso in morbo, haustâ aquâ intincto ligno primæ sacri corporis capsulæ, convaluere: uno excepto qui

ad

ad alicujus alterius etiam opem confugerat, S. P. Ignatij aqua plures a sortilegijs male haberi fospites evasere.

34. S. Josephi ope urinæ difficultas sublata, vitam cuidam jam ferè abeuntem retinuit. Sæva tempestas eo increverat in mare ut nauclerum abijceret, & multa suppellex eijceretur e navi. Svasu nostri nuncupatum votum Sacratissimæ DE IPARÆ, omnèsq; servati; venti vi mox mitiore.

35. P. Joanne Amieu audiente, Turca suos dilerte liberèq; monebat ne quid in Christianorum templa auderent. Sibi enim male cessisse, quod in templo ruinæ obnoxio S. Theophili imagini oculum eruisset. Nam, inquit, continuo sanctus iste a latere meo stans funem collo meo iniecit, meq; traxit ad arborem, inde tanquam e patibulo suspendendum. Adfuere ij quos clamore ad opem exciveram: & me, nullâ trahentis manu visâ, fune sursum trahi mirati, dixere votum DEO à me nuncupandum: nam criminis cujusciam reum me videri è pœna. Nuncupatum à se votum dixit; & mox libertate donatum ab occulta illa quâ suspendebatur manu. Ajunt ab eodem Turca S. illi Theophilo perpetuam lampadem appensam.

De Apostata.

36. Armeno cuidam fidei Christianæ defertori diu cum conscientia stimulis, & adversis fortunæ cladibus colluctato, eoque apud nostrum ita se angere ac premi acerbè conquesto, Sacramentum pœnitentiæ nequicquam svasit noster. Is hoc anno in Alepensis Gubernatoris familiam honorarij famuli titulo, Agam nuncupant, penetravit, & nescio quo fortunæ male blandientis radio, seu ejus potius spe illusus, Mahometo nomen dedit, non multos post dies repertus pendere in cubiculo manu suâ, morte voluntariâ strangulatus. Quæ omnia minaciter & amanter alios in fide retinent, alios incitant; Nostros vero incitant ad ingentem messem totis viribus colligendam: & quia impares sunt operæ agro tanto, servient ad alios quoque in partem laboris & gloriæ accersendos; cum id à nobis flagitent multa omnino millia animarum, quæ istic in sempiterni exitij periculo relinquuntur quia subsidiariæ operæ non suppetunt. Plura de his missionibus Historiæ re-

servantur.



AN.